

白  
鄉  
詩  
鈔



白鄉詩鈔卷二

國朝書  
元憲白  
樂平童  
元憲白  
鄉著  
天  
八  
十  
四

諸友 及門

編校

古意

屏居遠物變蘅茅結書圃秀色盤澗阿  
苒苒出岩戶庭蕉分好風芳草度微雨  
高樹綠葉動鳴禽相對語蝴蝶弄花  
枝楚楚開自舞絳朝即吾廬雲山送  
賓玉極柳隨海誓酒醒日已午被褐  
起漫游幽尋憇桑亭真樂非冕軒  
農簑與漁罟行歌少丘笱悠然望  
寰土高人會何時白鄉詩鈔卷二

端陽四詠用山谷和文潛謝穆父贈松扇韻

臂樓

鈿合生辰書繭紙絳紗繫臂晉宮似  
飄搖幾縷貫流蘇纏綿訝結同心子  
紅粟玉支沁微寒綵絲續命恩如山  
莫教瘦褪金平脫歲歲年年環是間

釵符

艾葉離披剪籐紙羅浮竹符渾可似  
豈知別篆雲雷文盤向釵頭壓鳳子  
出游尙覆幕遮寒護惜赤靈鎮眉山

戴雋與人鬪花勝語卿以緩袂囊間

粉團

玲瓏碧箸薄於紙出釜瓊脂液流似翻新更裹小團酥  
取笑深宮阿姆子方麴停披餘晝寒角弓拈射盤十山  
安得連房賭千顆持鉢乞食歌姬間

香串

撲鼻香透研光紙編排一串牟尼似春蕊最愛弄勻圓  
不數西來舍利子斗帳桃笙留小寒芳夢初回盟海山  
欲知賤妾連環意持置郎君懷裏間

白鄉詩鈔

卷二

大水歎

鷓鴣鷓鴣鼓嚨胡大江左右聲嗚嗚三月淫霖至七月  
鳴蛙產白龜遊除眼看大地遍橫潦陸將河海人將鯨  
波濤笑湧高十丈平城四面皆巨湖瀚騰入門相叫呼  
叫呼未絕廬如桴父抱櫬子攀枹夫執枸妻擁杆地天  
沉浸鬼鳥死馮夷海若陳江俘纍纍千百葬奔浪欲弔  
姓氏安可藥其間幸者走高阜扶老孳幼蒼皇驅建飯  
兩注身無襦前有騰趨之山鬼後有啼泣之狴鬪鬪根  
茹葉忍殘喘歸視屋宅皆沮洳四月漲秧至今未能種

九月焉望稻穰穰早苗伏水尙一尺數莖蕩漾如青蒲  
泥漲乍退更淤塞一畝朽爛十人鋤坐待六月栽餘粟  
立秋以後仍漶漶噫嘻乎死傷莫瘞生難餬官又脩倉  
吏徵租昨日忽聞 瞻黃下分遣星使四出東南隅瘡  
痍寒寡俟覆奏兼旬懸釜無朝餽縣厥積穀多盈數萬  
石少者亦有一萬餘蠹胥侵蝕令支給竟與衙庫同空  
虛爾氓嗷嗷何所盱除非司農上請頒內帑又或太倉  
紅粟飛輓輸 聖德如天厯民瘼黼坐常省監門圖軫  
饑終倚諸大夫不見鄭公立法多存活遠勝二十四考  
白 鄉 詩 錄 卷 二  
書中書

九日

西風獵獵鴈迴翔木葉紛飛塞草黃憐是今年花事晚  
不同樽酒度重陽

雜興

嶺表秋高漢可通星槎想已去忽忽暮雲極浦魚龍靜  
落日孤山鴈鷺空花瘦鳴螿泣清露月寒黃菊醉西風  
鳳城消息誰爲達約畧生涯是斷蓬

薄雨

薄雨飄蕭墜天邊獨鳥還遶雲多在地落葉不依山秋  
已如離客花猶戀舊顏孰遺千日酒一夢可長閒

冬居

觸忤閒愁又蔓延悲風落日愴林泉猿啼鶴唳空雙鬢  
茶淡香銷自一壺懷祖已因門第辟伯休尙畏姓名傳  
山僧穩與呼兄弟我住蒲團近十年

雲煙四尋漸朦朧葦荻飄零失塞鴻斗大田園遭歲旱  
木疆頭腦類冬烘才華漫愛三珠樹豪健偏輸兩石弓  
溝壑橫填吾自樂振衣長嘯學孫翁

白鄉詩鈔

卷二

四

驅愁行

愁結新舊相水火百年屬愁不屬我飲酒歌呼愁千丈  
看花愁亦共婀娜眠時作魔魂夢顛醒卽亂掀景光墮  
自昔名輩多饑寒奚事無端久纏裹向天再拜乞六丁  
飛取雷霆下追剉收攝色相付岱海伐洗萬古腹心裸  
春秋好候相邀尋舒眉吐氣大笑歌

康山謁忠臣廟

樓船十萬橫空如湖水瀉湧聲喧壓湖水上喧喧尙如故  
昔日懸鴈安在哉真人提劍起淮泗迅掃幾年便爲帝

是誠天授漢隆準區區何與小臣事小臣遇敵目怒曠  
衲襠慷慨清妖氛正如條侯破吳楚功出三十六將軍  
殺氣憑陵鼓音變飛擢旌旗閃霞片揮刀砍陣濕雲屯  
剗風劃浪自酣戰捐軀絕脰何堂堂百道飛矢射天狼  
一戰定矣滅大慙雷南熱血流湯湯風塵此際真瀕洄  
諸君幸不爲賊用頭顱擲水水譁吼僵立屹若墜城重  
金陵烏喙翻害功貪將斧鉞酬庸天眷五王保腰領  
餘者誰博碑穹窿死息死忠等死耳寇存何若先寇死  
橫屍非爲銜君恩公等仡仡真男子百年廟貌凌嵯峨

白鄉詩鈔

卷二

五

殘酷何曾到流波獨憐洪濤夜呼海風雨尙提殺賊戈  
家國滄桑代已改荒涼十廟更無在却看香火盛蘋蘩  
毅魄依然振江海樹立乾坤惟此身英雄草澤知難真  
不見褒封祀堂庶多是鄱湖打魚人

百花洲

天宇空明浴錦鳧銷沉不見浪花巖江山半壁難留越  
風月全湖自屬蘇燈火倍添城郭密樓船未逐管絃娛  
此中漫酒興亡淚說到錢塘恐袖濡

百年彈指總悠悠短檻長橋倦勝遊殘照留連初畫舫

寒雲慘淡舊粧樓  
四圍水調千尋怕  
一拋菱花前舫愁  
難得垂楊依舊綠  
秋光容易判枝頭

青帘招我酒家眠  
難把新豐姓氏鐫  
滕閣至今思帝子  
澹臺終古弔名賢  
衣冠幕府登臨壯  
碑碣城隅拂拭堅  
何事身名甘寂寞  
魚蝦麋鹿共周旋

煙波結習是前因  
采采湖頭漾白蘋  
山水有緣供翰墨  
鶯花無主付鈞綸  
百千歲後空桑地  
二十年來落魄人  
却望棘圍剛咫尺  
褰裳翻懶向迷津

西風莫問舊瑯戈  
換出煙霞與薜蘿  
鄉國一時入吟眺  
白鄉荷鈞

卷二

六

文章千載聽消磨  
半塵不掛絲絲柳  
萬籟空涵瑟瑟波  
信是鷗魚機久忘  
臨流感悼意如何

登滕王閣

章流日送錦帆開  
雲水蒼茫畫角哀  
千古江山歸浩劫  
百年風雨失多才  
鳳鸞時嘯真君宅  
草木頻荒孺子臺  
鴈陣翩翩下彭蠡  
憑欄笑兀且銜杯

再遊百花洲

闌闌風煙意莫勝  
天開圖畫曲層層  
輞川借署凌雲榜  
不信中無王右丞

游螺墩寺

蓼洲門外秋蘆殘連襖長語離九圍一派風帆送飛鳥  
蓬萊清淺雲水間儵聽禪堂響法鼓三生夢醒仙不語  
西來大意參多羅三十六天墜花雨

鷹鵠山歌用朱湘人見贈原韻

仙人汗漫騎鯨游手握天根躡月窟蓬萊浩唱澗何許  
峯頭一落咄音絕我家鷹鵠二山下媧皇鍊石成積鐵  
鵠山聳欲舉我爲掣之任鷹山倦不飛我欲叱之去千  
尋石勢森開張結廬竚君雙愕旁龍塘獅岫及象早朝

白鄉詩鈔

卷二

七

夕朝列東西行仰視星墟忽震撼鷹鵠拍拍喙尖却將  
待二禽磔翅首同禿雲霞始敢爛然舒其光昨歲相逢  
握手笑探幽壁勝厯孤峭何者宜園何宜沼凝臚左右  
細評校今冬似聞鷹鵠奮長吟凌厲天宇神淒清誰知  
大筆力排異傑句直壓崔巍驚我起飲君酒復坐聽君  
歌一生擔受窮愁多寒風蕭蕭洒毛髮山空落木江空  
波大塊文章到此盡收拾二峯巖巖宮眷和虎生風而  
長嘯鳥捎雲而徑過壑崑嶠巖視若豪末披豁靈臆日  
月盪摩不然太虛寥曠可包括何由剗我胸中磊砢與



崗坡我又不知造物於我與君安所置要須姓字長共  
山嵯峨鷹兮嗟鵠兮峨看人潦倒無良計廿年雌伏將  
如何

題管夫人畫竹和汪虛堂原韻

佳人寄興蒼筤竹滿耳蕭騷松雪屋盤礴由來節素堅  
千條飛動森寒玉江南昂物孰承恩太息冬青杜宇魂  
棖觸湘妃舊時怨年年風雨泣王孫

明南都行

金陵自古稱天塹紫蓋黃旗時隱見豈知王氣終江東

白鄉詩鈔

卷二

八

南渡河山坐失半青犢長安飛食人小龍建業起登禪

此日阿誰爲相公清流鈞黨又匆匆遍拜爛羊作都尉  
冒進饑鷹列侍中刀敕墨封通穢賂蟲兒張子狎深宮  
大家歡宴調絲竹樂府新詞臣手錄蘭殿時翻水調歌  
梨園日按霓裳曲賀老休矜響入雲秋娘恨少顏如玉  
內璫四出選嬋娟結綺臨春築道邊沿門多定絳紗臂  
望氣欲開鈎弋拳采辦中官車絡繹征誅劇賊詔遷延  
西京翹望心悲切縛袴從軍無一卒袁曹仇敵連兵戈  
河朔強藩擅節鉞漢世威儀那可逢唐家露布何時揭

惟聞拜表出江關，經畧中原涕淚潛。  
楚囚獨抱新亭壁，越絕難求半壁安。  
武侯盡瘁扶屨嗣，少保捐軀扼巨姦。  
自壞長城勢已去，將軍戰死降旛樹。  
北向攀轅辭雀桁，南來飲馬過瓜步。  
半載貪看玉樹花，一坏莫葬雷塘路。  
當年高帝奠畿疆，定鼎期傳奕葉長。  
門控金川固國險，兵屯采石重邊防。  
誰意銅仙悲夜月，竟令鐵鎖斷空江。  
家居撞壞由紛擾，莫怨無心陳叔寶。  
六代樓臺總暗塵，千年陵寢終荒草。  
元湖煙水蔣山鐘，遺恨茫茫歸廣昊。

登臺

白雲詩鈔

卷二

九

江關秋未老，杖劍獨登臺。  
雨勢千山走，風聲萬馬來。  
悲歌天地小，泣淚古今哀。  
咫尺滄洲路，憑誰作賦才。

讀晉史

公然典午代，當塗太息吳。  
平聖慮疎剛，向殿前焚雉服。  
旋聞宮內引羊車，移來朔種驅無計。  
引入南風煽不虛，此座亦知真可惜。  
銅駝他日竟何如。

擊楫先鞭願未酬，區區江左亦神州。  
百年正朔違氏虜，半壁河山泣楚囚。  
開府遞傳溫跋扈，中書誰擬謝風流。  
可憐一代衣冠盡，莫更披圖辯馬牛。

遣興

久依禪刹結茅蘆一枕煙雲午睡餘  
三徑蓬蒿難揖客  
半邱風月自攤書  
松梢日晏鉤輈鳥荷浪時翻撥刺魚  
瓶有香醪圍有韭盤餐何必羨花豬

晚樓感興

三秋老樹抱寒心  
颯沓風飈作意侵  
白日西歸燕塞冷  
暮雲南去楚江深  
元龍湖海多豪氣  
安石絲絃有遠音  
苦憶長安車馬客  
行蹤何日定升沈

感松

白鄉詩鈔

卷二

十

老松突離立  
亭亭瞰雲霧  
荏苒蘿何能屈曲  
仰侵附青松  
良可悲乃與綠蘿遇  
根植雖不同願各慎霜露

山寺不晴作

巖谷自層複  
曠覽目已昧  
物色連墮靈  
幾失寰海大  
雲氣重衣袂  
厨烟捲山靄  
幽陰萬松深  
蒼鬱亂峰會有時  
高風至霧搖  
不可碎積雨林澗歇  
鷄鳴亦清籟  
楚然聞履聲  
旋出叙情話  
潛藏息岩扉  
夙病苦難瘥  
披讀隨梵磬  
夜枕覆不寐  
共僧倒壺觴  
金石醉傾沛  
欲揮萬壑泉  
一洗胸蒂芥

春日

閒愁消遣藉芳菲  
二月流光一歲稀  
繡陌風輕游騎過  
玉階日永亂蜂飛  
穿簾燕子柳間出  
吹笛牧童花外歸  
此際生涯惟劇飲  
莫辭沽酒典春衣

登馬鞍山

怪石嵯峨虎豹蹲  
游觀得比謝公墩  
山禽嘹唳一聲磬  
桑柘霏微三里村  
幻化雲煙詩境界  
空明水月佛根源  
何當退谷常棲隱  
威輦家風隔代存

閒居

白鄉詩鈔

卷二

七

信步閒游徧山陲  
與水隈除軒峇竹長  
釀酒待花開雨  
止泉流續鐘殘  
鳥語催丹經知可翫  
講席暫追陪  
螺髻千峰聳  
晨昏變態空炊煙  
堆石黑落日浸溪紅  
樹密遲清磬樓虛  
足遠風小窻閒  
自坐詩草付僧童  
幽棲成小隱  
吟倦倚青松  
雨過蟬聲亂  
風來鳥意慵  
流杯分月影  
灌藥駐花容  
領畧空山趣  
清虛午夜鐘

題寺

山嵐日影弄娟娟  
萬木陰深覆石泉  
禪榻松風吹夢醒  
抱琴橋下馬潺湲

孤僧洗鉢向清池殘磬疎鐘出殿遲風斷平林花欲暮  
歌樵一路下山時

追和胡澹園先生韓蘄王勞軍瓶歌

酒星垂芒光燭天寶物沉淪吐蜃氣河伯宴罷藏珠宮

蛟鼉捧舞出波際原註瓶得於桃河卒健兒掣得驚怪奇精彩的

爍走妖魅遍傳好事加拂拭云此忠武行師墜半壁江

山守南土浮圖拐子馳突騎誰折長箠答封豕金甌不

動奏饒吹昔聞醜酒飲江流士心飽飫敵摧避公復善

治背嵬酒器軍要令涓滴荷君賜椎牛大享相勞苦萬衆

白鄉詩鈔 卷二 十二

驪呼復感淚高唱梁州聲入雲擊鼓坎坎思敵愾半酣

開營出殺虜戈喋賊血軍威厲直使芳醪洗羶羯掃清

河朔痛舉觴岳家牙帳歡投壺未抵黃龍身先殫嗟哉

諸臣自血戰老姦擅國舉和議西湖一勺供泛索割淮

以北非吾地由此擔瞿從小奚絕口不與家國事張王

秦相安足言乾坤瀕洞天亦醉鐵甕江上白鴈來趙氏

金盃出陵隧玉匣珠襦散髡徒更斷顛骨爲飲器衆鬼

啾啾哭冬青遺民一杯獨用醞興亡從古如轉轂靈巖

精魄定悲噓祇有彌勒幡腹笑原註上有布袋和尚像觸戰蠻爭

等博戲沉浸何年貯涎腥其中當有熟龍睡摩挲終看  
雷電騰半空仍攬歸海溼此瓶莫使壽人間長共銅爵  
鄂王  
飲器發深喟

共客夜坐

寂寥明月在淡遠望星河樹密羣螢隱樓空一鴈過蟲  
聲吟夜永山氣得秋多薄酒還堪酌同君起嘯歌

早秋

秋氣欲驅暑流光冷畫屏浮雲時斷處數疊晚峰青虹  
見啣殘雨螢飛落亂星疎林深見月靜看影瓏玲

白鄉詩鈔

卷二

月下作

十三

蒼然膜色重古木幽且闕秋容未覺肅涼氣逼襟袂猿  
鳥向夜靜蘭若如隔世西南石巘青藹迷嶂壑向背爭  
林際山風梧子簸簌落桂影苔痕滿地著鐘梵音絕月  
常空下有幽人自嘯謔蕭條竹動亂溪泉露滴時驚松  
樹鶴煙光四顧流雲收吾亦歸去理爐藥

晚齋

幽蘭碧荔有餘馨風送新涼入戶庭遠水鷺飛煙影白  
夕陽蟬噪兩痕青松森蒼玉陰沾几荷瀉真珠翠貯瓶

絕好嬋娟添晚黛投詩長欲贈山靈

隨見

鳩在枝頭語僧歸日已午風隨花片飛煙外濛濛雨

山寺

清磬忽來雲外寺夕陽時掛雨中山茶煙入夢詩魂澹  
一曲松風水月間

江村

荻蘆正長蟹初肥十幅魚膾曬板扉渡口忽聞歌欸乃  
柳陰深處釣船歸

白鄉詩餞

卷二

十四

夜坐

梵磬響空山俯然入雲表松風夜謾謾涼籟散襟抱月  
上林轉暝烟環野覺小流螢兩三點避人窺池沼仰視  
河漢高踈星亦皎好宵靜渾忘寐形神托灑泐

詠史

稷下盛談辨豪舉風四起小人性如蠅公子門若市雍  
容拄長劍顧盼耀珠履鷄鳴稱上客狗盜卽長技招致  
常數千謂可得士死干戈日紛擾井里失耕耔重以賦  
稅繁坐食無窮已感歎當時民凋殘復餘幾田祿誠優

渥何不濟生齒虛糜實蠹國宜使歸疆理信陵稱仁賢  
見乃不及此

冒頓雖威強焉能與漢伍胡爲貪其利自取平城侮陋  
儒無遠知挾策誤高祖夏殷及周秦和戎乃創舉匈奴  
美闕氏漢家長公主天朝常分尊降體叙子父婚姻亂  
華夷賂遺罄金組徒爲中國羞名實竟何取在廷無一  
言弊端我作古口舌以得官齒冷笑齊虜

秦季尚申韓漢初法黃老武帝策賢良乃首章斯道罷  
黜百家言六經詔論討改朔定歷數彬彬禮文造制與  
白鄉詩鈔 卷二 十五

三代期功亦後王查平津學阿世趨避獨機巧廷尉起  
刀筆刻深復奸狡一變法令明再壞功利擾漢治終雜  
霸弊端實臣輩江都真大儒惜未扞襟抱儻究天人策  
商周化克紹不美輪臺悔用賢固爲寶

吾哀揚子雲復悲馬季長學術由詖邪屈首從暴強美  
新乃劇秦微詞譏漢皇歌頌莽功德符命爭請張喬固  
天下望棄屍橫道旁忍爲冀草奏陷害仇忠良權姦勢  
未熾畏義猶傍徨僞儒旣蛾附凶獸排高閭天年天龔  
勝門卒廁楊匡不有彼數子大節誰扶將富貴日熏炙



身名盡披猖著書付一炬毋使餘波揚

甘陵相刺譏汝南互題拂大學承流風名聲日揚激朝  
廷受裁量公卿懷惴慄抗憤煽危論其權過譴黜匹夫  
羣誅謗仲尼所深疾偉哉申屠蟠卓識獨迥出知有阨  
儒禍絕迹居土室使者下郡國逮捕鮮逃逸蔓衍皆善  
類紛紜斃斧鑕黨分賈夔讐人亡哀蕩析門戶生邱墟  
千載總若一所以古明王政事靡敢失橫議無由興朝  
家常清謐

書明顧亭林卷後

白鄉詩鈔

卷二

十六

瑯環汲冢白頭勤行篋蒼涼對暮雲空有文章傳賈誼  
惜無制策問劉蕡銅駝荆棘悲荒闕杜宇冬青泣故君  
耆舊半傷零落盡遺編誰使續河汾

十月之暮楓梓飽霜絢爛如赤城霞冬居佳玩無  
踰於此天殆以是娛幽人也爲賦長句

深山何年廣種勾漏砂蒸化樹樹成丹葩翠羽金支共  
燦爛動搖心目紛相遮名園二月花似繡十月飄蕩如  
江葭帝下楮鞭樹流血豈能索醉餐流霞夕陽倏裂萬  
紅攪又孰椎碎靈烏車或疑火龍轟怒起攻戰形幢赤

蕭交騰擎或疑丹崖烈焰燔晚燒電禪風吼山皆赧不  
然鮫人初取出鐵網不然隋宮幻現玉鈎斜簇彩鏤繒  
鋪絳紗天孫雲錦無爭差岳靈遠徵海國貢百尺珊瑚  
煥耀來仙查噫嘻乎花縣錦城絢巒谷青娥妙手回春  
華溪山景已倦返矚對之那不神與賒平生夙具探奇  
願還厯林坳窮水窪潦倒一壺恣遊眺東臯古樹胥杓  
枒竭來此地得新賞蜂蝶老死魂應呀萬斛臙脂潑翠  
輝光含叢薄容何姘長飈凜烈復吹墮橫舞絳雪霏交  
加卽今寒梅半吐萼紅白間映真案窰回首霜風氣禪

白鄕詩鈔

卷二

十七

寂木末紺圍鐘暮拋見者倘認武陵壑此中當是避世  
桃源家

看梅

風霜騷屑老我梅臘月終旬猶未開酒闌夜半茶語歇  
忽覺清氛透寒骨道是小圍花已放急步園中凝眸望  
但見當頭月色冷不見何枝有花影斗曲參橫天隱約  
月照空林無箇著遠山瘦峭寂不喧一溪流水烟漠漠  
將信將疑歸寢房枕上默默聞幽香低萼高枝斜睨門  
清長相遇如故人隴頭驛使未能寄珊瑚玉骨新出塵

勸君看梅莫待月到晚月上又無痕

暮冬蝸寄小軒疊韻

流觀渾似鳥窺籠刮牖驚當獵獵風酣飲欲懷醒酒石  
浮生漸作寄居蟲驅暮雨壓簾黑雪擁寒氈欺燼紅  
廣廈萬間多覆庇杜陵寂寞草堂中

安排茗椀和薰籠藉此消除歲晚風趨捷人踰果然獸  
支離我似怪哉蟲生涯困守甕天黑歲月沉酣杯海紅  
撫髀歌騷舞如意烟雲批雜落窻中

新詩未得碧紗籠把卷低回守素風病看鶯花春草草

白鄉詩鈔

卷二

十九

貧傷禾黍夏蟲蟲紙窻竹屋宜浮白玉粒丹砂孰駐紅  
我比尙平猶齒少難拋世事往山中

錢神行

有神有神衣六銖劔佩珊珊乘金車蒼髯磔張閃黑噫  
左右列侍雄且粗煙雲噴礮天模糊意氣直欲凌仙都  
道遇文星彎其弧叱立道旁焉敢趨貨財萬億難挽輪  
下視人世眞穿窬面壁十年空嗟吁簞瓢饑渴時病噓  
兒亦無長襖妻亦無重襦東舍方索負西鄰又徵逋側  
聞錢神善吹噓指下生風榮朽株再拜車前相覬覦熱

獰炙手將爍膚欲陳復忍徒囁嚅直乞相贈千萬蚨錢  
神起而顧深憐小子愚人皆集苑渠集枯黔婁踽踽何  
爲乎炊金切玉傾瓊酥但飽銅汁三百壺臍神驚愕詩  
魔呼涓滴難下遭逐驅若曹迂拙惟操觚安用豎儒收  
爲奴居不處于公間仕不入步兵廚秋未嘗張掾鱸春  
未備庾郎蔬囊空阿堵獨立躊躇丈夫焉能伍屠沽歸  
來揜賣架上書

白鄉詩鈔卷三

樂平董元憲白鄉著

諸友及門編校

讀史偶述

道次沙邱破璽書邪謀翻手易皇儲東門黃犬牽難再  
誰識倉中鼠不如

約法三章動九州暴殘莫怨失鴻溝秦關縱早憑天險  
豈有山河屬沐猴

羽林十萬壓邊陲君長西南歎塞投中國疲勞生計盡  
白鄉詩鈔 卷三

千秋始拜富民侯

赤伏功臣禮數優徵車四出訪羊裘客星犯座渾無恙  
故劍深宮何日求

鑿金貼地媚溫柔對鏡翻憐好頸頭一曲琵琶君自笑  
六朝天子盡無愁

壁月瓊花照麗妝朝朝擘簡又傳觴江南覆敗由詩酒  
狎客千年總擅場

讀史絕句

瀛洲玉樹擅腰肢掌上輕盈揚袂時團扇秋風漫惆悵

縣官恩寵到昭儀

分香賣履痛難勝  
妓樂陳來更莫膺  
至竟當塗高幾載  
銅臺無路望西陵

宮中獨乞蔣侯恩  
一決何時向白門  
九子鈴搖如有恨  
玉奴終是負東昏

青驄一躍韻無餘  
桃葉山前駕犢車  
環珮空歸溪上月  
斷腸三十六封書

日牽錦纜入淮淝  
殿脚三千螺黛稀  
一自吳公歌玉樹  
楊花零落李花飛

白鄉詩鈔

卷三

鴛鴦鴻鴻遇難同  
勅賜珍珠眷未終  
寥落長門罷梳洗  
多年不見舞驚鴻

香魂不逐翠華歸  
一曲淋鈴淚滿衣  
金粟堆邊風景暮  
傷心汾水鴈還飛

春風輸盡孰承顏  
燒尾檀槽失舊班  
寫就楞嚴經百部  
何人更唱念家山

翩翩才色絕音塵  
新寵難邀展笑蠶  
生死畫圖存舊夢  
十年空怨錦官春

朝露誰知溢幸先  
煤山舊恨泣重泉  
白頭宮女無人在

搖落冬青二百年

遊嶸峒山

吾邑稱名山嶸峒莫兩大今歲住南麓神與峯嶒會絕  
巘瞻翠律岩巖矗臨境外洪濛古未闢仰鑿霄漢界穹窿  
巨地軸直壓坤維壤眾山密相次卑小比曹鄴造如走  
龍蛇近如立仗隊又若干頭陀環佛虔禮拜晴晦峯隱  
見神靈弄狡獪鶴鷹兩擊搏對此羽長緞低鳥飛電瞥  
橫簾宿霧挂鐘磬聞下方警效落梵唄太清托縹緲側  
足履虛籟毛骨真纏纏灑氣加濯汰遐矚心蕩誅精魂

白鄉詩欽

卷三

三

合曉藹嶺崑躡石磴路窄剪芻蒨塵腑仙所暄瓊憑少  
沾句老松笑蒼虬擎攫日雲碎風驅海濤來鱗鬣鼓其  
內乘之叩天闕琅然振霞佩浩歌徹穹衢直訝身已蜕  
空曠渺一粟志欲擺埃壘尋徑下山寺淨壁句爭疥探  
竒復他日藉爾發茫昧

登嶸峒嶺

煙雲變滅幻長空絕磴岩巖矗此躬地聳百盤推小岱  
勢分兩郡並中崑千山拱揖排行列萬籟吹噓掃空雲  
白鶴不留亭獨峙石檀寂靜樹龍菴

壯觀無盡躡天根  
煙點霏微逗遠村  
日月鏤山鋪百納  
山爲土人種作青黃相間形如百納  
雷霆走壁裂雙門  
青霞粒失仙翁竈  
白乳泉傾玉女盆  
浩蕩披襟憑羽化  
那須躑躅寄塵樊

春日雜詠

綠水青山對舊壚  
風光處處軟於酥  
今春晴雨常無定  
悶殺林間兩鶉鴣

麥隴桑塍幾道斜  
游筇歸尚染煙華  
燕鶯桃柳春相約  
添個閒人作一家

花名徧派譜瓊紗  
準備清樽向曉饒  
一歲何非花日子

白鄉詩鈔

卷三

四

明朝却說是花朝

龍園石乳品清芬  
止渴都堪策異勳  
新茗一旗初瀹試  
年年摘造趁春分

嬋娟三五要流暉  
闌草樓前翠袖圍  
一陣香風吹笑語  
腰身窄窄卸裳衣

兩月春愁減帶圍  
也矜作遠步芳菲  
杜鵑何太沒分曉  
遇着遊人都喚歸

土田肥瘠盡催耕  
隴畔遙聞叱犢聲  
簇簇綠秧新出水  
春來不愛十分晴



春風十里柳絲颺少婦盈盈盡採桑萬疊千箱供一醉  
何時曾拜馬頭娘

蚨灰飛盡墓田虛麥飯澆來淚點斜一帶啼鳥聲正苦  
幾人重醒看桃花

急裝春已怕歸遲滿地飛英餞別期不信幾番風未盡  
海棠開後就酴醾

青帘白舫共招邀兩岸垂楊舊板橋何處傷春堪墮淚  
鶯啼草長雨瀟瀟

春詠

白鄉詩鈔

卷三

五

休羨京華踏軟紅穠英到眼已匆匆江村作社杜梨雨  
野渡流盃楊柳風芳草一洲帘影外落花十里鳥聲中  
誰家子夜歌淒怨越莫年光誤小叢

煙綿碧草遠萋萋悵望滄江雲樹迷桃片輕風雙蝶舞  
柳陰微雨一鳩啼吳歌水調參差發帽影鞭絲慘淡低  
賴有甕頭桑落熟山公早已醉如泥

春山

禪關幽敞翠重重雨後芳菲滿院供風動落花驚野鳥  
泉鳴遠澗亂山鐘後先禪味參櫻筍深淺春心付蝶蜂

好玩招提諸色相流光延佇欲相從

采茶曲

旗展雷闐闐簷蔔葉滿林安得采  
梔子與郎結同心  
紗帽看籠頭雪芽自煎煮郎愛茶  
葉甜儂比茶根苦  
封題別家去驚絕十八灘昨日聞  
人訊郎船至萬安  
估客羊城樂新歌習撞狼布刀相  
和答盡道愛憐孃  
故園茶又熟附書至粵東早出  
羚羊峽木絲買贈儂

子夜歌

嫋嫋庭前樹採擷相思子儂如芭  
蕉心展轉無窮已

白鄉詩鈔

卷三

六

鸚鵡雕闌語愁思較淺深阿儂身  
一握可否貯郎心  
今歲歡長別朝朝攬鏡慵私期裙  
帶解腰下繫時鬆  
萋蒲植庭檻錦儀寄書稀花是何  
年發郎問何日歸

謁忠愍張公祠六十韻

兵火銷深薊風雲鎮古番魂靈長  
赫奕廟貌獨鬼峩變  
覩滄桑易悲留父老多聲聞標浙  
省文字重鑿坡聯視  
承明草官除給事科松楸居怨慕  
菽水養蹉跎捧檄衷  
欣遂褰帷髯患幡青盈公廨菜綠  
長訟庭蒞拔薤民安  
處懷水吏怯呵君恩恒感激朝事  
依顛蹉錯豈高皇鑄

爭偏嫡嗣罔酬庸頌晉秬蓄意刈周禾位望同姬且藩  
封異尉佗諸王都廢徙宰相太嘯囉聽鼉行何酷安劉  
勢轉頗方徵吳鼻地已把趙倫戈閱閱餘常李功勳失  
達和黃沙埋碣石白浪走溥沱專闢韓騾騎臨邊路伏  
波九江師再棄半月事全訛軍畏來銅馬門憂卧棘駝  
東昌雖倖勝北固已輕過舉燧將焚闕投鞭早斷河禍  
誰七官解兵少八公訛讀詔填悲憤飛書起媿嬰身捐  
甘就獲響應疾鳴梭義約鄰邦舉辭強武弁詞旌魔螳  
臂奮輦震虎牙磨盾鼻橫淋墨刀頭倒置鞞屢頓泣袁

白鄉詩鈔

卷三

七

粲股斷痛荆軻隊料成猿鶴謀難亂鶴鵝項平欽魯禮  
齊敗怨虞歌家國三生恨乾坤百口嗟臣亡有陵母君  
怒失寧哥先軫元如活萇宏血未磨幾人同抗拒此令  
匪天麼大命歸尊屬遺骸認故娥金甌寤已矣玉牒度  
如何勸進名爭刻從亡跡孰造孝陵先展拜奸党盡換  
羅書種咸菹醢瓜抄及蔓窠實實極貫索見胡俄  
夢墮巨篋女踪違乾闥婆四年稱帝主萬里作頭陀白  
下山川換滇中杖屨挖使車求躡過僧鉢到牂牁失得  
尋蕉鹿興亡歎燭蛾一門精魄在千載寶坊嗟古井泉

流冽醮樓瓦草鬣

本朝崇謚號闔邑薦牲醴廳尙題

清白神能禦患疢孝思

公有孝思卷

藏縹帙忠藎

醮樓亦名忠藎樓

景青縞抱志攀英烈陳詞告縷觀楹空喧雀鼠劍挂吼  
蛟鼉驅逐南棲燕憑陵北伐驛丈夫終慷慨愴董漫荷  
那板蕩賢豪礪塵昏節操磋衣冠常弔仰廊廡自婆娑  
統統敲街鼓森森聳墓柯雲旗瞻莫降碑蘚百回披

漫懷

十尺繩牀漏曙曦維摩多病起漉漉茶鐺藥臼相料理  
藜藿麩廳共委蛇歲月如烹羊胛短心情未換虎頭癡  
白鄉詩敘 卷三 八  
無緣便向廬山住處土星明待屬誰

競渡行

日光照耀扶桑東天池飛下無數龍黑黃青赤各馳突  
輓雷轟閃聲齶齶霜雨倒飛片雲碎百靈舶趨旋生風  
攪波打槳勢相尻縱橫飄漩梭一擲三三五五自凌亂  
鰲鬪鯨爭海腹磔鱣魚逃竄天吳號衆喊動地眩精魄  
船頭擊鼓船尾呼鼓聲時疾時一徐紅旗對對颭江面  
進退儼視中軍旗倏忽含篙立水搏半天幻出潑寒胡  
鷓鴣一落勢千丈赤手斬蛟復騰上奇禽怪獸來三山

波斯海舶集歛悅金粟彈指現樓臺幡幢渡海鶯香象  
金支翠旗爛容光雲佩霞裾參翱翔前有湘妃後漢女  
左爲山鬼右國殤簫管競奏迎神曲如歎如慕如徬徨  
忽聽清歌妙珠串游舫四豁琉璃扇中流拍浮望蒼梧  
美人遙訴楚天怨梯歸杳萬猿狖啼浪激滄溟淚如綫  
繁會年年張水嬉今人自樂古自悲江浦潺湲無終極  
西皇涉予焉可期臨流日暮采芳杜含愁泐泐吹參差

食盧橘

梢頭顆顆纍金丸飽飲雲漿摘滿盤不識嶺南風味美

白鄉詩飲

卷三

九

蠟兄休作荔奴看

負凍揚華實獨腴炎方佳果擅宜都一甌冰雪消清晝

好搦宣和御墨圖

晚興

迥野日西匿紅塵車馬還何爲流水迅不似薄雲閒蟬  
咽樹前樹鳥飛山內山羣生知晦息吾自掩松關

馬鞍山醉歌

朝上馬鞍山夕上馬鞍山馬鞍山不行何日勒燕然

山房晚眺

流水注深澗微雲生遠嶺一蟬嘶正急樹冷斜陽影

夏日卽目

石榻眠餘夢緜荷杯吸後心消脩篁百个千个好鳥三  
聲雨聲遠浦長煙艇沒深山落日人行黃昏幾處惆悵  
風月毋辜此生

讀梅村詩集

淒涼白髮舊知名戎馬關山苦縱橫泣涕聽歌桓子野  
悲愁作賦庾蘭成勝朝彤管編遺恨紫禁丹書愴至  
情那似絳雲樓畔客白衣從未戀歸耕

白鄉詩鈔

卷三

采蓮詞

荷花初艷艷荷葉復疊疊湘妃含睇吹參差初花爲佩  
葉作褶綵翼翼鷺鷥對飛中流棹歌扣蘭楫夕陽西下  
煙水瀰瀰有美一人思在千里秋風未至花四匝郎乎  
褰裳胡不涉

無題

銀漢紅墻路可期黃金清那惜買蛾眉棲巢海燕爭鳴子  
上簾春蠶各吐絲謝女何曾情何以堪臨步障陸郎空自逐斑騅  
年年幾度閒花發惆悵芳情獨後時

凌波楚楚襪生塵迴雪流風盼洛津媚靨春嬌桃粉黛  
啼眉恨蹙柳梢顰裴徊崔護相逢日珍重雲英未嫁身  
一顧嫣然迷下蔡玉釵豈許拂冠巾

霧縠雲羅半蕩斜吳姬十五入豪家珠窻粉澀金平脫  
菱鏡波寒玉辟邪整鬢伴羞藏皓腕迴眸歛笑拍紅牙  
司空莫道渾閒事好護雕闌解語花

二八嬌憨住綺樓生來艷福老溫柔春風省識芙蓉帳  
明月遷延翡翠鉤麝火香熏邀約臂蘭膏痕暈看梳頭  
不須多擁紅靴隊金屋惟宜貯莫愁

白鄉詩鈔

卷三

十一

幙外秋生曉氣寒海棠庭院快衣單  
瑤箋曲譜離鴻引玉椀茶烹小鳳團  
呼婢鞦韆掛楊柳背人牛女笑欄杆  
窻前多少芳菲樹不種相思種合歡

蓬萊青鳥探殷勤花下筵前意緒紛  
列妓底須驚御史生兒那不配忝軍  
慣聽玉樹歌三闋飽看揚州月二分  
莫遣五陵車馬客腥膻日浣石華裙

竟體芳蘭舌作蓮玉顏便是蕊珠仙  
藕衫僂儂褰拖鳳花髻瓏璁鬢綴蟬  
油壁幾時逢解佩柘枝何日舞當筵  
蒼蒲十幅難書怨愁把春心訴杜鵑

柔肌綽約倦輕扶巫峽行雲路識無桃葉桃根怨離別  
江南江北望模糊傷情涕滴鴛鴦水破夢魂銷蛟蝶圖  
安得明珠傾十斛夜來鈿盒寄狂夫  
紅豆相思暮復朝青天碧海自迢迢固知香茗才難遇  
爭奈文園渴未消絃索新聲輸北里煙花勝跡憶南朝  
秦淮水色空如昨不照蕭娘舊舞腰

家住長干薄倖多大堤花艷幾經過青驄訪舊添爐鴨  
鸚鵡傳妝點黛螺紅葉如絨惱公恨玉臺更唱懊儂歌  
青衫翠袖悲淪落獨向樽前喚奈何

白鄉詩錄

卷三

十二

落日珠簾十二樓乘鸞入霧已悠悠白門柳色千行淚  
湘水波光一段愁絳蠟心燒何惜熱轆轤腸轉未能休  
他年博得崔徽畫抱影還堪守白頭

縹緲雲車望帝京瓊漿飲後感塵情誰從滄海聞龍笛  
翻恨銀河隔鳳笙玉女投壺天亦笑嫦娥鍊藥月長明  
瑤臺夜氣涼如水會有音書到碧城

釣臺行

明懷瀋邸在城北今盡廢  
爲野圃惟釣臺片石尙存

逶迤城西過城北三尺釣臺餘片石兔葵燕麥蕩春風  
穀犬桑鳩啼廣陌當日戟門高入雲萬家湯沐奉王孫



刺史拜迎持手板，路人匍伏避車輪。  
薰天意氣居宮殿，酒肉如林數開宴。  
氍毹夜舞拂輕衫，絃管晝歌橫皓扇。  
舞衫歌扇日流連，自謂歡娛可萬年。  
金屋千間覆紈綺，珍珠百斛買嬋娟。  
豈知薤露晞蒿里，白馬不有青雀死。  
妝樓粉黛散如煙，廢苑鶯花寒似水。  
龍種繇來亦可傷，星移物換總悲涼。  
魚鳧共歛歸黃土，狐兔來游嘯白楊。  
豪華富貴真風燭，翁仲又聞草間哭。  
保國鬻姬人孰憐，青君代杖天疑酷。  
回頭舊事久低徊，臺地池煙沒草萊。  
縱橫碧薜遺踪在，平楚蒼茫落照哀。

白鄉詩欽

卷三

十三

怨行歌

朝亦不苦飢，夕亦不苦飢。惟有起歎坐，愁終日。茹思賤  
妾初遣嫁，流盼生光儀。珠玉鏘環佩，紈紵裁裳衣。窈窕  
艷星的，聯娟整脩眉。徘徊悅君意，兩情無棄違。君如水  
中石，妾如機上絲。絲引日纏綿，石推無轉移。涎涎燕顧  
侶，嚙嚙鴛守雌。萍塘水暖玳梁春，遲維山有木葉附枝  
。猗飈四起哀離披，盛年自惜君知之。

漫興

羲輪不反魯陽戈，彈指煙光荏苒多。  
斷角征鴻關塞月

西風落葉洞庭波天涯是處銷青鬢山徑終年卧碧蘿  
虛憶漢皇詞客盡譚經我尙愧蹉跎

秋柳

輕煙漠漠幾行逸泣露吟風感鬢華衰草城頭砧杵動  
夕陽江上酒旗斜隋隄簫鼓空流水梁苑衣冠祇暮鴉  
回首繁霜搖落後征途顛顛向天涯

秋夜

秋氣無所見空山秋已深風來若飛雨浙瀝吹長林啼  
蛩淒以悲似怨芳華沉皎皎雲外月冷冷泉上琴相對  
白鄉詩飲 卷三  
忘憂癖逸然動遠心

十四

讀賈似道傳感書三絕

日夕樊城羽檄傳平章歌舞擁嬋娟誰知蟋蟀秋酣鬪  
已是紅羊劫盡年

牟駝遺恨帝宮蕪一旅匡山失趙孤轉眼滄桑三百載  
前輸良嶽後西湖

寢園麥飯少祠官斑竹臨江淚欲闌玉雁珠鳧飛散盡

蕭山風雨六陵寒

輓僊峰石翁并序

翁諱應瑜別字僊峰性高曠不羈於俗少就郡  
試不見售卽不就試教授生徒多知名士娛情  
於畫初舍阻元明繼乃變以己意縱筆揮霍妙  
奪天真尤豪於飲手不離杯杓酒酣落墨四座  
叫絕家酷貧屢空不問翁其見道者與抑有託  
而逃焉者與憲無以測翁之爲人年八十一以

桂月某日卒

淒絕柴桑老饑驅幾歲年蒼浪垂鬢髮供養藉雲煙潑  
墨頻中聖拈毫自入禪尙餘零素在流恨滿江天

白鄉詩錄

卷三

十五

塵緣初解脫撒手向靈芝世已無通隱名堪壓大癡邱  
山狐嘯急華表鶴歸遲孰慰泉臺魄爲刊第二碑

銘旌無爵累家世自芬芳汝漢先賢傳河汾弟子行哀  
歌朱鳥下號哭素車忙腹痛悲前事淒其宿草涼

秋懷

天涯騁望隔神京浪迹湖山志未平如爾人材居令僕  
此公名望誤蒼生虞翻自昔多狂疾阮裕從來少宦情  
瓊瓊巢由車下拜怪聞東閣閉公卿

握槩携鉛計數空楊朱歧路哭途窮千秋憤惋趙元叔

四海依投陳孟公豈有高人留廡下不知大隱在墻東  
出門漫向長安笑綵筆年來賤若蓬

松聲謾謾帶淒酸漂泊浮雲何處安參佐幾曾趨北府  
姓名終自弔南冠看花常抱寄籬恨把劍高歌行路難  
自是 聖明無棄物故人車馬在江干

嚴徐待詔已安趨意氣公然照九衢京國春深瞻玉笋  
江郊秋老戀松鱸華山學道客分席賀監辭榮早乞湖  
忙殺雕蟲諸小技壯夫或亦愧癡愚

冷落江天載酒行高樓鐵笛動秋聲五陵那肯隨游俠  
白鄉詩鈔 卷三

三

三徑終當學稼耕陸氏洛京陳祖德武皇宣室重儒生  
往年珥筆承明志大可胡盧笑絕纓

淒清雲物滿關河鴈陣翩翩檻外過道里不磨零雨什  
山川欲唱大風歌三吳裙屐繁華競兩晉琴樽感慨多  
幸遇團圞青桂長待脩秋袂補婆娑

遐心遠欲訴飛鴻詎倚干將氣象雄金粉溪山餘鐵甕  
鶯花巷陌付絲桐美人遙矚遠湘水望帝哀啼失蜀宮  
吳對繁霜思往迹年年搖落舊江楓

樓臺一望枕川濤誰暇秋清費苦吟澗壑籛蘿堪把袂

江關蕭鼓又聞砧歌殘白紵霜華盛開遍紅蘭日影沈  
何事雲霄勞夢寐十年空負草堂陰

百尺蒼崖挂赤籐芒鞋布帽尙無朋帖傳乞米人應笑  
鉢慣催詩鬼漸憎此日蓬茅安拙滯多年江海與飛騰  
男兒潦倒終強項挾策相于我未能

下士遺風世已淪問君直道向誰伸郎官敢揖將軍座  
廐吏難汗丞相茵飛隼孤高天路迥浴鷗浩蕩海波馴  
請看薜荔長相待穩卧山泉作野民

雲漢蒼茫覆畫檐雨餘吟思和愁添千山游屨當風健

白鄉詩鈔

卷三

十七

兩鬢秋絲照月纖東閣獨敲詩律細西園誰鬪酒軍嚴  
江南舊是菰蘆泊已有先生號織簾

振古清才仰建安林泉笑傲漫頑冠磬鐘野寺孤雲冷  
風兩秋山萬卷寒寬食何曾飽鷄蹠求名也似上魚竿  
蕭條倦問乾坤事樹下無絃曲獨彈

湖海元龍興獨豪應劉已少在林臯風光散入秦王調  
心緒吟成楚客騷與俗子言惟食蛤繼狂士飲且持螯  
聞君拄笏看朝爽何把西山換馬曹

蕭騷風葉下林邱斗覺年光趁急流駿骨空悲燕市遠

蛾眉盡老漢宮秋  
人間白璧原無缺  
世上黃金肯漫投  
九辨哀辭時感諷  
蟲聲當戶思悠悠

三椽戶牖費綢繆  
眷戀恩勤罷壯游  
放眼關河容獨卧  
側身天地耐煩憂  
涼風古堠蟬嘶午  
落日荒亭鶴唳秋  
賴是半生依隴畝  
不同王粲賦登樓

秋盡蒹葭影欲黃  
此身拚使老滄浪  
漫依慧業三生石  
好定宗風一瓣香  
冠蓋任杼中散傲  
煙霞已醒次公狂  
年來心性難陶寫  
絲竹勤須侑羽觴

四時詞和東坡韻

白鄉詩敘

卷三

六

曉寒微怯風片落  
沉水香熏繞帷幕  
青瞳姣姣剪秋水  
綠黛纖纖飄翠萼  
紅杏輕衫罩玉膚  
落花吹墮意嗔誰  
綺閣傷春悄無語  
翩跹舞燕拂簾衣

紗窻晝寢驚寢永  
半臂添胸玉魚冷  
紅蕉雨過繡幃涼  
碧柳風來團扇靜  
搔頭小立暗含顰  
自整雀鈿香澤勻  
錦里尺書傳莫誤  
高樓悵望采蓮人

細畫鴉黃染蛾綠  
婷婷翠袖澹如竹  
玲瓏簾箔垂珠房  
宛轉箏絃撥玉屋  
紫薇花謝門常扃  
清淺銀河照戶庭  
織女黃姑時恨別  
清砧一夜動秋聲

淒迷寒色壓簷角鬱金裙子意嫌薄彈棋愛擁香篝溫  
裁紵憂聞艷雪落雲鬟輕掠動飛鷗兩臉瓊酥微漾霞  
披圖欲繪洛神恨自寫凌波仙子花

將進酒

邯鄲好女嬌當鑪黃鳥春風喚提壺娉婷買來十斛珠  
大婦鼓瑤瑟小婦舞氍毹流光飄蕩泥人醉一斗一石  
斟屠蘇世上功名那足取勸君解下玉鹿盧

鏡聽辭

族人有人聞者數載不聞音耗家徒四壁母老

白鄉詩鈔

卷三

十九

子幼其婦終日啼泣余力不能賑心實愴焉爲

作此辭

低鬟倭墮承朝承夕歲聿云暮投杼歎息一良人遠出

妾任焉辭析桂爲薪炊玉作糜上有白髮姑嫜下有黃

口小兒二姑嗚咽兒悲啼寒風刮戶兮雨沾扉無衣無

褐當告誰三解乃握青銅暗禱幽室再拜竈君致詞者七

並光類儼終逢協吉四解神爲促其行鏡爲照其形夫媚

歸兮勿躊躇君毋作白石郎儂毋似青溪姑卜人語兮

心怛怛思遠五兮泣中庭五解入宿寢房舍酸佇苦玉漏

丁東簷角鳴憂驚人歸來語晨鷄喔喔天欲曙六解

白鄉詩鈔

卷三

二十



白鄉詩鈔卷四

樂平董元憲白鄉著

諸友及門編校

遊芝山

門向靈芝外青山訪舊遊惟餘高下冢不盡古今愁寒  
食飛花淚江城水調謳空亭遺址在憑吊幾淹留

登遠意亭

三五虬龍立叔柯翠巖疎六朝帆影外一剎鳥聲餘范  
守風流迥番君事蹟虛登臨思不盡江上話樵漁

白鄉詩鈔卷四

鳴山灘

蛟涎掛木杪鰲脊挺波面譁浪陡喧聒倏忽見噴漩東  
西石巉露舉權容盡變水深不容尺舟麗僅隔寸圍沙  
湧十丈流坎成止艮一葉膠如山長年身力困飛篙驚  
棒喝怒與迅湍戰溜急奔馬截渦束行蟻旋箸篷卧兩  
櫓晴空灑銀霞豈意寒流中侑子浸沒斲肩撐巨舸走  
江神亦善幻鳴山離未遙轉轉復相見安得快鼓柁揚  
帆指鄉縣周迴幸踰險仰視日已晏寥濶萬里心翺翔

羨飛鴈

出門時內久病不愈

吾悔廢耕耔汝復輟機杼終歲無春風闔門悽寒兩相  
依十餘載何曾展眉嫵形影共啼泣憂魂相勞苦起坐  
燈熒熒慘怛青一縷雞羽時振栖啾鳴跳屋鼠趺然室  
中瘖知更幾寒暑藥餌爲飲食步履艱蛩蚤雁雁鮮成  
行牙牙初學語藁砧遠睽違屢屢默酸楚丈夫志四海  
對此摧心膺仰承堂上歡俛勤膝下怙兩人共命鳥一  
朝獨斃處嗟哉爲稻梁倦鶴寄他廡

夏日閒題

白鄉詩鈔

卷四

烹茗注輕甌揮毫書棊几天光魚樂潛風響鳥驚起晝  
靜古槐佳晚涼修竹美喬松我未從頗類巢居子  
散髮關東軒苔痕盈卷軸栽花引活泉漏月搖疎竹夜  
鼓有瑤琴朝餐惟苜蓿清幽致足懷孰共歌盤谷

亦愛堂綠萼梅二絕句

檀心磬口鬅瑤樽皴玉參差那藉溫不是春風貪索笑  
綠珠何處與招魂

絕態依稀降九疑膽瓶相對笛橫吹尊前一曲翻惆悵  
翠袖天寒欲暮時

同朱湘人晚飲

高山流水罷登臨  
隴首浮雲陰復陰  
脫帽試轟河朔飲  
題襟且續越吳吟  
悲笳落日三邊恨  
寶劍秋風萬里心  
滿腹牢愁堪共剖  
相知應不在焦琴

冬日效僻體詩十首

晚晚孰高寄孤標  
悲韜霜嚴長冰去聲日  
雲沍夕箝風  
落葉三斤酒寒甌  
五尺桐尙忘皸  
啄苦混迹入冥濛  
偃蹇橫疎樹空林  
磊砢多天形  
真混沌人意似頭陀  
嘯雨獒投栗  
鷲鵬護巢俛羣營  
食息陸復云何

白鄉詩鈔

卷四

三

瓶鉢天涯與蕭然  
思不勝地寒生水  
骨木落聳山棱屋  
縛蓬茅未礪燒楫  
楸曾淒清觀道意  
一枕任曹騰

廣漠且蕭條  
浮生屬短瓢  
一林煙月凍半壑  
石泉饒淺草  
馳寺駁橫雲  
壓皂鷗元冥愁  
黯黯下土問誰驕

壯心忍寥落  
抱樸守邱樊  
路決捨榆鶯  
離穿扣芥豚  
鑿泉分嶺脊  
種石入雲根  
高尙宗賢達  
無爲黥冕軒

噫氣長噴礪  
天心欲破慳  
郊飛沙作霧  
潮擁海爲山  
電兩神龍血  
乾坤野馬閑  
焦邱潛衆蟄  
自惜髮將鬚

腐扉蒼翠裏  
峰影亂鬚鬚  
劔竹鏡寒筍  
炊糜斧厚冰  
沼

深魚聚慘窻暗鼠竊燈說餅風蕭索山童更弗磨  
結轡愁盈積藉將詩酒降漱醪寒可拘鬪句險頻撞風  
雪梅花韵江山鐵笛腔素歡人自遠晨夕對窮麗  
地僻幽襟散曉巖削紫蓉髻絲露斑駁肌粟失龙茸祿  
命緣恒蹇塵沙劫屢逢華嚴開法界皈听梵王鐘  
白日荒荒度山園地數弓收諸添鴈戶拾椽倚狙公野  
燒平崗斷煙蕪遠浦空黃雞休聽唱人世可憐蟲

丹桂莊枯樹辭

冬去春來又寒食游絲如夢花如憶花開花謝有誰憐  
白鄉詩鈔

卷四

四

泣向東風怨顏色杈極老樹蝕星霜黑蛟瘦倚擎無力  
兩染煙蒸不自由調鉛塗粉聊相飾穠華依舊映新晴  
燒就丹砂的的迎容似珊瑚舒紫綬色同火齊絡朱纓  
半面雖然妝豔冶全身却已費支撐耆乾獨向他鄉老  
翁艱難期幾歲明野叟橋邊潛掣淚爲言先世遨遊致  
花自三千里外移人於二百年前逝芳春樽酒久流連  
大父樗蒲輕擲棄可憐賣宅入豪家空復愛棠思故地  
我云此語勿重陳雲煙瞥眼漫酸辛大地桑田將變海  
千年世宙尙成塵碑碣終爲他日礎松楸摠是後時薪

溪山又啟新圖畫花鳥何知舊主人不見謝家別墅到  
公石一決輸人豈曾惜綠野亭臺委廢虛平泉草木蕪  
荒澤橘柚芙蓉迹已空長楊五柞今誰識枯株况未盡  
彫殘舊業那須頻歎息惟嗟生晚後芳菲不見名花爛  
漫時敗檻荒涼失鈴索餘英飄落點苔衣朝朝粉蝶翻  
躑過暮暮金鶯寂寞飛漢南司馬庾開府悵望攀條空  
遠思

東城狼

城郭兮無人白晝跳狼兮犬不吠鷄不鳴小狼掉乃尾

白鄉詩欽

卷四

五

巨狼張若口東摻兔窟西攫狐藪一角於前眾擠於後  
骨藉藉兮實隍獸熒熒兮竄阿斑斑猛虎帖耳渡河狼  
有千百虎當奈何焉得壯士兮桑弧注羽箭飛白槌碎  
其額赤刀抉其頤食其肉兮寢其皮爪牙雖利安可施

別學山居

巡簷憔悴苦吟身械械風林落葉親自笑飛蓬常在野  
可堪窮鳥獨依人棲邱飲谷惟三載月上雲生是四鄰  
太息塵寰牛馬走明年花事傍誰春

輓胡五照軒

雲曉山窻樹亞垣詩筒得遞水邊村煙霞共結東林社  
風雨頻開比閣樽撫軫悲歡念疇侶團沙聚散感朝昏  
飛鴻數點斜陽暮應有吟鞭未斷魂

江行口號

中流頻擊汰江渚洵窮陰霧暗舟行重山明雪積深雲  
中招鶴侶世外見梅心年去年來者空懷灞岸吟  
面湖將置宅瀟灑濯塵纓浦曲回帆影江空落鴈聲  
煙今泊水市鎮古番城何似披簑袂垂竿了此生

臘月一日對雪

白鄉詩鈔

卷四

六

咳唾隨風落九天身披鶴氅似瑤仙謝家飛絮中庭滿  
坐讀南華秋水篇

水仙操三章

若有人兮天之末吸輕風兮沐艷雪美要眇兮冰心澹  
容與兮玉骨蹇遨遊兮四方望江南兮愁欲絕誓往從  
之我心切

若有人兮水之涯凌波渺兮其來遲朝珥節兮洛浦夕  
解佩兮湘湄帝子降兮歲暮貯芳馨兮遺所思眷言結  
之我心怡

若有人兮戶之側衣六銖兮神脉脉羗窈窕兮舍睇條  
蕩搖兮動色悅臨風兮浩歎怨夫君兮情莫測何以慰  
之我心惻

偶然作

萬物闕歸根乾坤亦幾息不知地中雷咄咄隱未若復  
見天地心剝合貞元德洪鈞鼓囊籥靜翕動斯闢四時  
長煦嫗庶彙空結轆蒞事貴陽剛胡專尙緘默愚者稱  
其仁哲士謂之賊內外恬以嬉孽牙孰發擿寸苗不能  
刈周道憂榛棘不見理瑟絃更張應節拍又如調五味  
自鄉詩鈔 卷四 七

歲晏偶書

室外皆人地寰中盡我天柴荆自高卧雨雪已終年思  
貸河侯粟誰分博士錢瑤華空欲寄孤靜守寒甌

龜坑弔石錄事有序

公諱昉字德輝金山鄉下石村人靖康之難爲  
隴州錄事與劉化源協力固守城破劉死絳州  
錄事被執北去不屈十餘年卒殉難家人招魂

葬此

秦川風鶴警錄事憤投簪北轍流離日南冠慷慨心攀  
髯臣淚盡嚙齒寇讐深萬里難歸骨雲煙一望沉

碧血何年化蒼茫對遠岑微官蘇武節故守

劉化伯牙源

琴逝水咽危石飛鴉投晚陰吾鄉忠義盛頑懦勵來今

同時洪忠宣亦金山鄉人

偈側行

偈側復偈側置身天地頗嘆息歲歲何門爲寓公年年  
他處作逋客捫胸蒼亂畏蠶繭動足斃薶礙荆棘後園

白鄉詩鈔

卷四

八

花發禁留戀前林鳥語空噉噉春光爛漫將復闌兩月

閉戶不相識生平頗覺嗜詞翰塵篋未許一錢直三十

撥第尙無成濩落羈棲果奚益木石自笑吳兒癡父母

妻子常別離學語便作洛生詠聲如老婢時啞啞是誰

鑽我幾卷戴家禮錯我數篇毛氏詩遂令不能短裘快

馬鬪鷄走狗三五年少從游嬉又不見平頭奴子鋪錦

飭纖手佳人捧玉卮半酣低唱楊柳辭徒謝東家晨夕

送菜把腰身局束爲人鞿試往問聖媧搏土何偏私緹

泥旣墮落賤貧安敢薪青箱那須傳嗣子呼逐長恩毋



再司目不知丁飽糠覈守家世作没字碑山中學道歸  
正好葭牆艾几薜荔衣一年清齋三百五十日一生安  
度三萬六千期不爾綠笠青簑風雨披農漁半席分相  
隨草屨撈蝦夏日足稻田種蛤秋時肥瀛海會見水清  
淺功名鹿鹿黍一炊蓬頭跣脚大笑出門去毋如燕雀  
啁啾宇下長伏雌

絳桃

搖蕩春心醉晚暉又添一色鬪芳菲花如朝士多披赤  
品乞東皇盡賜緋影隔絳河雲吹遠香分紫府月輪微

白鄉詩敘

卷四

九

韓家爛漫虛相憶苦賦離情尙未歸

碧桃

萼綠華携姊妹儔步虛聲遠片雲收風鬟俏整描青黛  
霧袂輕移漾碧流閨苑春深遙佇立麻姑信斷賸含愁  
可憐漢殿輕分首不到人間又幾秋

海棠

繁艷朝看着露開臙脂暈面粉勻顯昌州管領三千樹  
願作遨頭太守來

煙愁雨怨拭啼痕弱態婷婷難自存十八阿姨情太醜

嗔人日樹縷金幡

惆悵詩

紅裙偷卸繡簾前  
笑語風吹洞裏仙  
一顧匆匆掠髻去  
鞦韆架下墜金鈿

東風漫惹柳枝狂  
一榻齋居卽道場  
我向維摩稱弟子  
新歌要付紫雲娘

春深猶憶別家時  
燕乳蠶眠日影遲  
料得幽閨人獨坐  
菱花鏡畔誦唐詩

擬古

白鄉詩敘

卷四

十

窗外曉鶯喚  
含情春夢長  
髻縮珠絡索  
珮垂玉丁  
當時啟芙蓉  
幔閒坐  
玳瑁牀  
羨彼盧家婦  
篋篋彈未央  
冶遊四方志  
相別無徘徊  
挾彈出長樂  
走馬去章臺  
趙女笑調瑟  
越姬歡奉柸  
豈知空閨裡  
寂寞良獨哀

白展盤龍匣  
洞房相向顰  
可憐橫波地  
空憶畫眉人  
出門卽千里  
况復洛與秦  
袖中雙玉環  
無因持贈君

少小入君門  
妾顏本如玉  
明月照額黃  
春風颺髻綠  
當戶撥銀箏  
悲咽不成曲  
雁柱十三行  
行行淚相續

樓頭煙悄悄  
陌上草淒淒  
遊子阻天涯  
悵望空遠思  
春

去有夢日年少無還期芳春與盛年消歇君未知  
盈盈路傍柳容華自媚潔默念遠行人往來多攀折攀  
折良已苦離情獨蘊結愁見東風吹花飛又如雪  
經年斷消息山下采薜蘿非是愛薜蘿私意徒區區君  
有囊中金妾有機上書書成難遠寄金盡當何如  
腰圍日瘦減閒堦聽語鳥安得颺風發吹我出長道淚  
爲斷腸花身是拔心草君較行時樂妾比去時老

望春詞

輕寒薄暖冶遊天絲管紅樓日醉眠花落鳥啼春欲去  
白鄉詩鈔

卷四

十一

江南腸斷李龜年

嘲牡丹

幾許牙郎宴玉缸偏誇穠麗品難降春風粧點真無賴  
一捻脂香到老龐

當堦艷色簇瓊欄紅芍風情勝牡丹不信江東詩筆詩  
呼他近侍嫁麤官

食河豚

籠簾編布水拍岸沫兩腥風日夜至江淮檄召黃薦可  
鼓腹看迎桃流醉柳絮灑滴食何肥春渚萑蒿已滿地

清明上肆價復廉  
兩月南烹擅絕味  
駢首雙雙殉瓊厨  
老饕新拜供奉賜  
清泉漉之銚塵淨  
飛刀細砍玉花碎  
薑絲縷煮湘荻芽  
醃醬配調下鹽豉  
醜醜雲腴蒸流波  
鴟夷恣噉施乳膩  
此君風調孰可比  
江瑤柱與金齏膾  
鼎立三分王水族  
珠蚌沙蛤忝旁侍  
衆人生豈歲逢卯  
怪如鴟董畏如魅  
去肝滌血膜胸精  
入喉鎖錮那須忌  
儒生耿介常清貧  
草具寥寥列鮭菜  
蝦鮓紫鯖舉不欲  
愛醬膨腴勝羊臠  
甘芳一嗅閣犀箸  
饒肚天留饜吾輩  
罍麗日收三百頭  
巨壘旣填死快意  
活東形似斑魚小  
白鄉詩欽

卷四

十一

質旣云殊味尤異  
珍錯深品膳夫經  
飢飽無賣狙翁智  
呼酒拍浮萬斛船  
沾唇猶慮難久嗜  
不見漲退便同縮  
項編與君空思雲  
水外

汪琴樓夜呼歌妓侑酒漫成四絕

當筵一盼動橫波  
座上爭飛金巨羅  
領取玲瓏珠串串  
紅兒按拍雪兒歌

斜抱檀槽半面遮  
六么初奏客無譁  
玉環弟子今誰在  
侍史鴟絃自一家

春風簾外落花時  
笑着蠻鞦舞柘枝  
誰似多情唐白傅

玲瓏教唱使君詩

泉流鳥語韵悠揚  
蹙盡春山興尙狂  
錦帶花裙重結束  
呼來小部打連湘

贈歌童玉桂

清歌豈減鄭櫻桃  
粧束登場韻獨高  
覓舉十年猶未遇  
同君習唱鬱輪袍

年華十五足風流  
媚靨生春笑解愁  
訴盡聲婆絃上語  
新詩要換作纏頭

一曲吳謠已絕塵  
知音擊節調重申  
天涯唱徹江南弄  
白鄉詩錄卷四

記取何哉是舊人

壽胡母九十

奉母桂楊靈壽萬歲之仙杖  
獻母華山玉井千丈之瓊  
蓮餌母北海四十異種之神草  
飲母中州七十二福地之  
醴泉恒春樹不萎長樂花日妍  
把盞飛觥介眉壽華堂  
藹藹生紫煙須臾颺車雲輦自  
空下翔鸞舞鳳紛喧闐  
中有一人太華髻手扶侍女登  
法筵八琅仙墩五靈石  
妙音齊奏聲徹天山香一曲衆  
花落母也上壽王母前  
阿環再拜問起居携手話別四  
千年子登剖鳳膺飛瓊

劈麟肝我家雙成無所獻袖中相贈碧霞丹安度塵沙  
百回却叮嚀蟠桃再熟重來緣宴酣導擁仙官去玉笙  
未斷青冥寒不知銀漢迢遙幾萬里天風冷冷吹佩環  
紫府青都信飄緲猶覺碧城十二軒雲端步虛響止承  
歡顏人天高會常盤桓百年三萬六千日只在依稀彈  
指間阿婆遠視蓬島笑我已東海揚塵三度看

題汪虛堂金帶圍圖

一品仙衣下遠聞幾人骨格劇相當圖中我欲呼花相  
筵外誰堪鬥酒狂點染風煙眞富貴流傳金粉是文章  
白鄉詩鈔 卷四 十四  
輸君管領年華事縱不封侯志自強  
昔日名流醉異香何時穠艷再傳觴齊等品濫三千界  
漢幟春標廿四場過眼風光俱草草到頭事業要堂堂  
君看此後邗江上傀儡衣冠競短長

壽閩友三十二韻代作

古稱仁者壽世仰德維馨慶錄鬚眉朗眞醇氣宇熒逃  
名居市井結契絕畦町兩代交遙合三生誨雅聆始終  
盟止水聚散等浮萍自起驪駒唱難教駟馬停駢閩初  
返駕章貢遠揚舫不見波盈頃懸知璞發硎管絃喧邑

里翰墨煥門庭庠序公卿器成均弟子型龍文俱備體  
犀角更通靈甲子逾堪祝庚申守獨醪山心兼海腹鶴  
算復龜齡姪女澄諸念嬰兒反舊形雲根收枸杞嶽麓  
劇稀芥實剖五千杏榮抽三十萸曇花驚湧現瑤草特  
娉婷坐上人天偈囊中祿命經方曉思電爛虛臆想淵  
淳遐椒難窮亥祥符可護丁竈丹時鍊紫石髓自流青  
縹緲雲霞佩空矚日月斬法輪推浩浩塵封付冥冥上  
界何官府仙班在戶扇金膏傾素液木蜜薦芳醪遙羨  
椿榆蔭誰傳杖履銘樽常開北海翼未振南溟歲寄書  
白鄉詩斂

卷四

十五

郵札音通驛使鈴晨風長鬢結舊雨實清冷劍浦飛花  
樹榕城落照亭披尋高士傳禮拜老人星獻頌懷天未  
琅函列錦屏

閨中十五夜待月

聳身亦欲上蓬萊天半濃雲望不開想是月中人避我  
棘闈今是六遭來

梅溪湖晚眺

疊浪層波去不迴片帆東下夕陽催艫聲唱斷蘆花白  
天外寒鴉暮色來

舟次漫咏

荻花蕭瑟練波涵  
倒影碧堯浸  
碧參雁陣行行風獵獵  
多時秋色在江南

棄婦詞

我生本屬良家子  
十歲深閨學書史  
調絃也解撥銀箏  
引杼亦知織紈綺  
一朝二氏卜婚姻  
顧盼嫁期心暗喜  
兩兩羅襦裁合歡  
雙雙錦帶結連理  
腰間寶玉垂佩環  
頭上金珠綴簪珥  
明眸細波流  
媚態移新月  
起  
艷妝自惜還自憐  
遙誓同生亦同死  
豈知君意別相親

白鄉詩敘

卷四

十六

覲面便如胡與秦  
惆悵房幃疑夢寐  
尋思異譴那由因  
忍辜星月團圓夜  
虛度鶯花寂寞春  
總爲情多轉誤妾  
却緣別易時傷君  
愁腸獨抱三秋恨  
薄命難邀一顧恩  
珠沈璧碎年華冷  
傅粉香薰笑語溫  
記取眼前憔悴意  
慎毋輕棄後來人

報罷漫成

數年風雨伴燈檠  
依舊蕭條襟被輕  
誰歎王孫猶寄食  
已看豎子盡成名  
雲山杳靄離鴻唳  
星漢迢迢憑畫角  
驚  
一枕黃梁饒領受  
彼蒼原不負盧生



和汪雲帆昆仲詠梅

娟娟寒翠掩窗紗，羣從風流類謝家。  
修近仙心盪白水，戲除綺語賦梅花。  
霏霏艷雪三升酒，習習輕風七碗茶。  
半冊離騷能補註，吟懷不用肆滂葩。

愁絕風人兩髻絲，林端瘦損似年時。  
美如可繪非真韻，清到無聲是本詩。  
塞北霜天寒正峭，江南雲水渺相思。  
杜陵老去遁仙死，欲折瓊華待贈誰。

對鏡

頭顱漸失舊時容，高古閒愁貯一胸。  
怪得心腸非木石，自鄉詩韻卷四  
笑脚渾不似吳儂。

張柳塘畫

披仙醉墨最稱工，半幅蕭疎意匠同。  
不論橫枝兼側葉，渭川移作短屏風。  
折枝竹

花啼藥泣覺神傷，寫到三閭怨恨長。  
香草美人何處問，一天風雨似瀟湘。  
殘蘭

一天風雨似瀟湘

題汪麗生停琴佇月圖三首

披襟俯石磴，性與琴俱古。  
獨坐悄無言，徹陽澹一樓。

一曲鶯鶯味淡此，問何者同聞。  
篋篋修篁千个娟，娟娟

月二分

半幅蕭疎細遠林高山流水絕知音惟宜捧出娥阿影  
一照幽人世外心

白鶴詩鈔

卷四

六



兩川移作知風...  
不喻蒙沈覺神...寫到三閭怨恨長香草美人何處

天風雨似瀟湘

一照幽人掛仗...琴竹月圓三首

半副蕭疎...高山流水...音韻宜...出娥阿影

且二...者何...修至千...好...

